



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 50. Fons Ebrardi fundatur.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

§. L.

Sæcul. XII.
A.C. 1106.*Fons Eberhardi fundatur.*

Non nulli Scriptores moderni has duas epistolas supposititias esse affirmarunt, rati, ea quæ continent Roberti Arbrifellensis Sanctitati, quam tota Ecclesia veneratur, convenire non posse. Sed utcunque res se habeat de his epistolis earumque veritate, constat, Robertum ipsum denique perspexisse, hanc vitæ rationem, & continuam ex utroque sexu agminis se sequentis peregrinationem, maximis periculis esse subjectam, quare aliquod desertum quærere statuit, in quo sine ullius offendiculo degere possent. Tandem invenit locum proposito suo aptum in extrema parte Dicecesis Pictaviensis duabus Leucis Candeo in Territorio Turonensi situm, qui Fons Eberhardi dicebatur, eratque solum incultum spinis & sentibus repletum, quod cum Robertus sibi donari a regionis illius Dominis impetrasset, ibidem Familiæ suæ a Deo sibi datæ perpetuam sedem fixit.

vit. Rob.

Primum tuguria, ut injurias aeris arcerent, & deinde Sacellum extruxerunt. Robertus mulieres a viris separatas cellulis suis inclusit, eas præcipue orationi, & viros labori destinans. Clerici & Laici una degebant, Clerici Psalmos decantabant, & Missam celebrabant,

Laici

Sæcul. XII. Laici laborabant, omnes silentium horis
 A.C. 1106. statutis servabant, modestiæ & concor-
 diæ studebant. Robertum Magistrum
 suum vocabant, non enim Dominum se
 aut Abbatem dici sustinebat. Is pecca-
 toribus vehementer irascebatur, & ma-
 gna dicendi vi pollebat. Verum pœni-
 tentibus lenis erat, indulgens aliis, sibi
 ipsi asper, hypocritarum inimicus infen-
 sissimus. Discipulos suos non alio no-
 mine quam *Jesu Christi pauperes* voca-
 ri volebat. Quare etiam aliquamdiu il-
 la solum annona, quam vicinarum regio-
 num incolæ sponte sua afferebant, susten-
 tabantur, sed brevi Fidelium Pietas fun-
 dos & prædia hospitibus contulit, unde
 abunde ali potuerunt.

Petrus Episcopus Pictaviensis novel-
 læ Congregationi favebat, quod patet
 ex edito Diplomate, in quo dicit: *Vir*
Apostolicus Robertus Arbrisellensis, post-
 Gall. Chron. *quam magnam virorum mulierumque mul-*
 to. 4. p. 409. *titudinem suo hortatu ad relinquendum*
Sæculum permovit, Ecclesiam Sanctæ Vir-
ginis honori fundavit, in loco nostræ Die-
cesis, qui Fons Eberhardi dicitur. Hanc
terram ei Aremburga Guidonis uxor &
Rivarina ejus filia cum arvis, quæ uno an-
no boves quatuor colere possunt, donarunt.
Ibidem ipse Sanctimoniales sub monastica
Regula vivere cupientes collegit. Haud
diu post Paschalem Papam adivi, & Pri-
vile-

vilegium huic Monasterio obtinui. *Qua. Sæcul. XII.*
re nos quoque hoc Institutum confirma- A. C. 1106.
mus, & præcipimus, ne quisquam has Fe-
minas Deo Sacras, sub perpetui anathema-
tis pœna, perturbet, aut laceſſat. Hoc
 Decretum consentiente Capitulo Picta-
 viensi datum est, cui Decanus, ceteri in
 aliqua Dignitate constituti, & Canoni-
 ci subscripserunt. Annus appositus est
 millesimus centesimus sextus. Summi
 Pontificis Bulla, cujus mentionem facit,
 vigesima quinta Aprilis eodem anno da-
 ta, Reverentiam Episcopo secundum Ca-
 nones debitam disertis verbis salvam *Pœn. Theod.*
 esse jubet, id est ejusdem Jurisdictione *to. 2. p. 622.*
 nem, quod ex aliis Bullis huic similibus
 cognoscimus. In ea fundi quatuor huic
 monasterio donati nominantur, & hæc
 fuere Fontis-Eberhardinæ Congregatio-
 nis principia.

§. LI.

Concilium Gastallense.

Constituerat Paschalis Pontifex in Ger-
 maniam proficisci, totius Gentis no- *vit. per P. Pi-*
 mine a Legatis Conventus Moguntini *san. n. 10.*
 rogatus. Cum igitur itineri se dedisset *Sup. §. 40.*
 & Florentiam pervenisset, Concilium
 coegit, in quo ferventer disputatum
 cum illius urbis Episcopo affirmante, An-
 tichristum jam natum esse. Sed Quæ-
 stionis insolentia tantam attraxit multi-
 tudinem